

INUIT ATAQATIGIIT INATSISARTUNI



25.04.2023

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Naalakkersuinikkut piginnittuunermut politikki pillugu sinaakutissatut isumaqatigiisummi siunnerfiuvoq ingerlatseqatigiiffiit inuiaqatigiinnut akisussaaqataassasut aamma sinneqartoorujussuarternit politikkeqarfigineqassasutⁱ. Isumaqatigiisut tamanna piginnittut timmisartukkut angallannikkut assartuussinermullu tunngatillugu qanoq timitaliiffiginiarpaat?
2. Timmisartukkut angalanneq Qaanaamiit Upernavimmut akit qaffariarujussuarsimani piginnittut ilisimavaat?
3. Piginnittut Air Greenlandip akinik qaffaanera, naak ingerlatseqatigiiffik Air Greenland sinneqartooruteqaraluartoq, pissusissamisoortutut isigivaat?
4. Piginnittut timmisartumik angallannikkut akit minnerpaaffilisissallugit ingerlatseqatigiiffimmut piumasaqaateqassamaarpas?

(Inatsisartunut Ilaasortaq Mikivsuk Thomassen, Inuit Ataqatigiit)

Tunngavilersuut:

Timmisartumik akinik annertuumik qaffaasoqartarnera takornartaagaluttuinnarpoq, assersuutigisinnaavara Qaanaamiit Upernavimmut siumuinnaq akeqalersinnaasarpog 9.235 koruunit tamannalu tulluanngilluinnarpoq. Sulisartup kialuunniit tamanna akissaqartinngilaa.

Ilisimaaraara akinik aalajangersaaneq naalakkersuisut aqunngikkaat, ingerlatseqatigiiffilli inuiaqatigiinnik pigineqartup inuiaqatigiit

INUIT ATAQATIGIIT INATSIARTUNI



akiliisinnaasussaannut tarrarsorsinnaangippat taava
aaqqiissutissarsiortoqartariaqarpoq.

Neriuppunga apequtikka ullut suliffiusut qulit qaangiutsinnangit akineqassasut.

i

https://naalackersuisut.gl/Departementer/Formandens_Departement/Bestyrelsessekretariatet/Ejerskabspolitik?sc_lang=kl-GL